

诗句友情

1.
多病疲干谒，秋风下小舫。郊扉云间竹，江郭月生潮。过雨桐阴静，听诗烛烬销。爱君兄弟好，华发共萧萧。

2.
虽然不出郭，幽僻似郊墟。兄弟无余业，闭关好读书。取山开北牖，留月广前除。赖有曹评事，常过问索居。

3.
无端人日胜，兄弟对离觞。草霁遥开色，梅寒细作香。江猿含北思，塞雁系南行。欲共临歧送，春波两岸长。

4.
城阙辅三秦，风烟望五津。与君离别意，同是宦游人。海内存知己，天涯若比邻。无为在岐路，儿女共沾巾。

5.
送客南昌尉，离亭西候春。野花看欲尽，林鸟听犹新。别酒青门路，归轩白马津。相知无远近，万里尚为邻。

6.
吾爱孟夫子，风流天下闻。红颜弃轩冕，白首卧松云。醉月频中圣，迷花不事君。高山安可仰，徒此揖清芬。

7.
万壑树参天，千山响杜鹃。山中一夜雨，树杪百重泉。汉女输幢布，巴人讼芋田。文翁翻教授，不敢倚先贤。

8.
荒村带返照，落叶乱纷纷。古路无行客，寒山独见君。野桥经雨断，涧水向田分。不为怜同病，何人到白云。

9.
舍南舍北皆春水，但见群鸥日日来。花径不曾缘客扫，蓬门今始为君开。盘飧市远无兼味，樽酒家贫只旧醅。肯与邻翁相对饮，隔篱呼取尽馀杯。

10.
兄弟江南北，时违怅望深。共为糊口计，常有畏人心。但可开家酿，无劳问远岑。团圆归计是，早晚与同寻。

11.
零落残红倍黯然，双垂别泪越江边。一身去国六千里，万死投荒十二年。桂岭瘴来云似墨，洞庭春尽水如天。欲知此后相思梦，长在荆门郢树烟。

12.
汀洲采白苹，日落江南春。洞庭有归客，潇湘逢故人。故人何不返，春华复应晚。不道新知乐，只言行路远。

13.
十年离乱后，长大一相逢。问姓惊初见，称名忆旧容。别来沧海事，语罢暮天钟。明日巴陵道，秋山又几重。

14.
已过才追问，相看是故人。乱离何处见，消息苦难真。拭眼惊魂定，衔杯笑语频。移家就吾住，白首两遗民。

15.
昼卧玉堂殿，眼看金弹丸。禹包经岁月，郑驿助杯盘。黄带霜前绿，甘移醉后酸。江湖有兄弟，此日忆团栾。

16.

夕雪洒虚堂，禅身懒下床。楮衾清不暖，蜡烛冷无光。宿鸟争枝响，寒花上路香。南山有兄弟，岁晚不能忘。

17.

颇怪风能急，还疑雨不成。疏疏闻夜半，璀璨及天明。安否妻子念，乖难兄弟性。谁令负湖海，政使落蛮荆。

18.

醉别复几日，登临遍池台。何时石门路，重有金樽开。秋波落泗水，海色明徂徠。飞蓬各自远，且尽手中杯。

19.

戍鼓断人行，秋边一雁声。露从今夜白，月是故乡明。有弟皆分散，无家问死生。寄书长不达，况乃未休兵。

20.

既见章江水，重逢怀玉山。匆匆成履躐，草草仅荆班。遥想献觞后，应多对雨閒。期君好兄弟，并轡古人间。

21.

不相见，不相见来久。日日泉水头，常忆同携手。携手本同心，复叹忽分襟。相忆今如此，相思深不深。

22.

渡远荆门外，来从楚国游。山随平野尽，江入大荒流。月下飞天镜，云生结海楼。仍怜故乡水，万里送行舟。

23.

天高云为远，林重旭沐青。根繁叶常茂，飞婉翼轻盈。至深兄弟意，最苦伯仲情！

24.

风急雨声乱，飒来愁满天。不知飘泊处，可有故乡船。归路关前梦，残

更榜上年。半生兄弟念，多负看山眠。

25.

长亭外，古道边，芳草碧连天。晚风拂柳笛声残，夕阳山外山。天之涯，地之角，知交半零落；人生难得是欢聚，唯有别离多。

26.

鸣雁萧萧下，寒灯故故明。角声传细雨，云色渡高城。兄弟无书信，乾坤有甲兵。秋风归未得，见尔不无情。

27.

还家百战后，访故几人存。兄弟得相见，荣枯何处论。新诗添卷轴，旧业见儿孙。点检平生事，焉能出荜门。

28.

夜雨剪春韭，新炊间黄粱。主称会面难，一举累十觞。十觞亦不醉，感子故意长。明日隔山岳，世事两茫茫。

29.

与君十五侍皇闱，晓拂炉烟上赤墀。花开汉苑经过处，雪下骊山沐浴时。近臣零落今犹在，仙驾飘飘不可期。此日相逢思旧日，一杯成喜亦成悲。

30.

长风吹浪海天昏，兄弟同时吊屈原。千古不消鱼腹恨，一门谁识雁行冤。红妆少妇空临镜，白发慈亲尚倚门。肠断不堪回首处，一轮明月照双魂。

31.

青山横北郭，白水绕东城。此地一为别，孤蓬万里征。浮云游子意，落日故人情。挥手自兹去，萧萧班马鸣。

32.

花不尽，柳无穷。应与我情同。觥船一棹百分空。何处不相逢。朱弦悄

。知音少。天若有情应老。劝君看取利名场。今古梦茫茫。

33.

朝闻游子唱离歌，昨夜微霜初度河。鸿雁不堪愁里听，云山况是客中过。
。关城曙色催寒近，御苑砧声向晚多。莫是长安行乐处，空令岁月易蹉跎。

34.

静夜四无邻，荒居旧业贫。雨中黄叶树，灯下白头人。以我独沈久，愧君相见频。
平生自有分，况是蔡家亲。

35.

苏苏寒雨滴平川，共话行期笑屡迁。宿草故含河畔色，新炊半见客中烟。
。隔江鸿雁如兄弟，明月天涯是去年。匹马夕阳缘底事，梅花零落野塘边。

36.

孟氏好兄弟，相从邻巷居。一穷吾得忍，千里意何如。夜雨看僵仆，家儿不詈予。
丰年民瘼少，莫厌故人书。

37.

祖孙百年，兄弟一世。归乎其全，抑有公议。遗墨散轶，得自名裔。人其监兹，岂必名位。

38.

人生到处知何似，应似飞鸿踏雪泥。泥上偶然留指爪，鸿飞那复计东西。
。老僧已死成新塔，坏壁无由见旧题。往日崎岖还记否，路长人困蹇驴嘶。

39.

病就山中隐，烽催海上舟。连城新鬼哭，深壁大臣羞。赤管缠金火，炎风污马牛。
遥占女兄弟，先已下长洲。

40.

别来春半，触目柔肠断。砌下落梅如雪乱，拂了一身还满。雁来音信无凭，路遥归梦难成。离恨恰如春草，更行更远还生。

41.

秋至忆兄弟，萧萧木落初。如何去乡国，不见有音书。漂泊全无定，存亡半是虚。风尘几时靖，还似昔同居。

42.

焉知二十载，重上君子堂。昔别君未婚，儿女忽成行。怡然敬父执，问我来何方。问答未及已，儿女罗酒浆。

43.

万里西风吹羽仪，独传霜翰向南飞。芦花映月迷清影，江水涵秋点素辉。锦瑟夜调冰作柱，玉关晓度雪沾衣。天涯兄弟离群久，皓首江湖犹未归。

44.

兄弟分飞各一方，来老分袂苦多伤。两行别泪江湖远，五月征车岐路长。休叹伯鸾甘寂寞，所欣杨惲好文章。北归会有相逢地，只恐尘埃发易苍。

45.

平生艺苑笔同耕，兄弟须知似友生。三载方寻夜雨约，六旬又作越中行。举杯不学销魂别，侧耳惟听报政声。从此西冈数登眺，白云飞处总关情。

46.

直北云天朔气阴，中原生计几浮沉。妻孥贫病仍兵革，兄弟存亡绝信音。日暮途穷何所事，江空木落未归心。少年磅礴今垂老，并作冰霜一醉吟。

47.

我居北海君南海，寄雁传书谢不能。桃李春风一杯酒，江湖夜雨十年灯。持家但有四立壁，治病不蕲三折肱。想见读书头已白，隔溪猿哭瘴溪

藤。

48.

故人具鸡黍，邀我至田家。绿树村边合，青山郭外斜。开轩面场圃，把酒话桑麻。待到重阳日，还来就菊花。

49.

归来锦里夜留宾，小筑南漪狎所亲。冢上仙人但冥漠，灯前兄弟半埃尘。河山邈邈生刍阔，风雨绵绵别泪频。青眼新知今白首，经过何事不伤神。

50.

人生不相见，动如参与商。今夕复何夕，共此灯烛光。少壮能几时，鬓发各已苍。访旧半为鬼，惊呼热中肠。

51.

戍鼓断人行，边秋一雁声。露从今夜白，月是故乡明。有弟皆分散，无家问死生。寄书长不达，况乃未休兵。

52.

望望吴楚隔，悠悠兄弟思。经行偶来过，喜极为成诗。二父已名世，诸郎皆好辞。谁云前辈远，未觉此风衰。

53.

城阙辅三秦，风烟望五津。与君离别意，同是宦游人。海内存知己，天涯若比邻。无为在歧路，儿女共沾巾。

本文链接：<https://duanjuziku.com/duanjuzi/ie1p890lqv.html>